

Vaṅa Vanatina Utu Gharumwaru

¹ **Abel** [*English: Abel*] — (Mat 23:35; Luk 11:51; Hib 11:4; 12:24). Abel va ghaghae Kein na nasiyeniye. Hu thuwe **Kein**.

² **Ageit** [*English: agate*] — (Vat 4:3; 21:11, 18-19). Ageit iye vari thovuye laghiye, na ma lemoyo inanjiwe. Hu thuwe **Vari thovuthovuye na modanji laghiye**.

³ **Adam** [*English: Adam*] — (Luk 3:38; Rom 5:12-15; 1Kor 15:22, 45-47; 1Tim 2:13-14; Jiud 14). Adam iye lolo Loi va i vakathakai. Loi va i wo yambaneke thelauniye na i vakathawe. Amba muyai i vakatha Ive. Hu thuwe **Ive**.

Adam weiye levo, thi raka Loi le mbaro na thi vakatha thari. Mbanako iyako na i ghaoko, gharigharike wolaghiye mbe thi vakavakatha vara thari.

1 Korinita e tine, Pol i uno Jisas Krais iye Adam muyai. Adam i viva moli iye gharigharike wolaghiye rumbunji. Gharigharike wolaghiye thi wo yawalinjiwe. Jisas Krais, iye Adam muyai moli, i giya yawali memeghanananiye wenjiya thavala thi lonweghathiwe.

⁴ **Aisake** [*English: Isaac*] — (Vak 7:8; Rom 9:7; Hib 11:9; na vavana). Aisake Eibraham na Sera narinji. Idake iyake gharumwaru “vaviri.” Va thi wogiya idake iyakewe, kaiwae Sera va i vaviri mbanja i lonwekai Loi le dagerawe iya va injake

ne nanarun mbaña kaero u thanja. Hu thuwe **Eibraham.**

⁵ **Aiseya** [*English: Isaiah*] — (Mat 3:3; Vak 8:30; Rom 9:27-29; na vavana). Aiseya va Loi ghalingae gharautu laghiye moli. Va i vivako amba muyai Jisas i viri, Aiseya i utugiya bigibigi lemoyo Jisas kaiwae.

⁶ **Alabasita** [*English: alabaster*] — (Mat 26:7; Mak 14:3; Luk 7:37). Mbaña regha wevo regha i thimena bodila bunama butiye thovuye regha na i lingi e vwatae. Bunamake iyake ina bodila thi vakatha vari regha idae alabasita.

⁷ **Alepa** [*English: alpha*] — (Vat 1:8; 21:6; 22:13). Alepa iye leta i viva moli vaña Grik lenji alpabet e tine, ngoreiye “a” iye leta i viva vaña lumo alpabet e tine. Iya kaiwae, mbaña va thi rori Jisas iye Alepa, gharumwaru iye i viva moli, amba muyai bigi reghava.

Jisas tembe thi unova Omega. Omega iye leta muyai moli vaña Grik lenji alpabet e tine. Iya kaiwae va thi rori Jisas iye Omega, gharumwaru iye ne muyai moli. Vatomwe 1:8, Jisas i dage ghamberegha kaiwae, iña, “Ghino Alepa na Omega, ghino va e Righendake na ne Eleghambakoko.”

⁸ **Ametis** [*English: amethyst*] — (Vat 4:3; 21:11, 18-19). Ametis iye vari thovuye laghiye, na ma lemoyo inanjiwe. Hu thuwe **Vari thovuthovuye na modanji laghiye.**

⁹ **Ariyopagas** [*English: Areopagus*] — (Vak 17:19, 34). Ariyapagas va bobokulu regha ina ghemba laghiye idae Atens Gris e le valivanga. Gharighariko laghilaghiye va thi mevathavatha

e bobokuluko iyako vwatae. Na Atens lenji kot laghiye ghamba niva tembe thi unova idae Ariyopagas.

¹⁰ **Atemis** [*English: Artemis*] — (Vak 19:24-35). Atemis va loi kwankwan wevo eunda, iya gharighari inanji Eisiya e le valivanja va thi kururuwe.

¹¹ **Baal** [*English: Baal*] — (Rom 11:4). Baal iye loi kwankwan idae. Va i vivako, amba muyai Loi le gharighari thi yaku Isirel e tine, gharighariko va thi yaku gheko mbe thi kurukururuwe Baal. Mbanja Jiu gharighariniye thi yakuwe, mbanja vavana thi viyathu thi kururuwe Loi iyamenje thi kururuwe Baal. Iyake kaiwae Loi i gharegaiti wanangi.

¹² **Babilon** [*English: Babylon*] — Babilon iye ghamba laghiye va i vivako idae. Kinjo i yaku gheko i kivwalanjiya vanautuma lemoyo. Le gharighari thi gaithi wenjiya Jiu gharighariniye na thi kivwalanji. Thi vangunji lemoyo e lenji vanautuma na thi tabona rakakaiwobwaga. Jiu gharighariniye va thi yakuyaku gheko theghathegha iyepiri. (Mat 1:11-12, 17; Vak 7:43)

Vatomwe ghararori i utunja Babilon kaiwae gharayakuyaku ma thi goruwe Loi. Vatomwe e tine Babilon i methi ghembaghamba ma thi goru weya Loi. Mbwata Babilon i methi Rom, o mbwata yambaneke ghambaro laghiye. 1 Pita 5:13 e tine, Babilon mbwata i methi Rom.

¹³ **Balaam** [*English: Balaam*] — (2Pit 2:15; Jjud 11; Vat 2:14). Balaam va ghalinje gharautu regha iya kin regha idae Balak i nanjowe na i gura Isirel gharighariniye. Va nuwaiya i vurigheghe

kivwalangi. Balak, Mowab lenji kin, iye i mararunja Isirel gharighariniye mbananiye thi yaku Mowas e tine. Iviva Balaam i botewo na i gura Loi le gharighari o i wa Mowab, ko amba kaero i wa. E kamwathi mborowa e tine, nyao thovuye i ndegana kamwathiko, ko Balaam ma valikaiwae i thuwe, ko iyamaenge donkiko Balaam i thakowe i thuwe na i ndeghathi, othembe Balaam i ingengeja. Amba donkiko i dagewe Balaam na i naelimbiyawana. Balaam ma valikaiwae i guranjiya Isirel gharighariniye kaiwae Loi ghare wengi. Buk Boboma Togha e tine inja Balaam i gharethovu laghiye weya mani, iya kaiwae i varaenja weiye Balak othembe Balak iye Loi le gharighari ghanjithigiya. (Legha 22-24).

¹⁴ **Bali** [*English: barley*] — (Jon 6:9, 13; Vat 6:6). Bali iye mbombouye ngoreiye wit. Gharighari thi vakaiwonja mbombouye na thi vakatha bred. Bred thi vakatha weiye bali le thovuye seiwo ko bred thi vakatha wit le thovuye laghiye. Mbanangiko thiyako Jisas va ina e yambaneke, wit vwarara modae i laghiye kivala bali vwarara modae.

¹⁵ **Bapitaiso** [*English: baptism*] — Buk Boboma e tine thi rori Jon Rabapitaiso va i bapitaisongiya gharighari lemoyo e Walaghita Jordan e tine. Va i dage wengi wo thi uturongiya lenji thari na thi roitetengi ambane i bapitaisongi. Bapitaisoke iyake le righe na gharigharike wolaghiye thi ghareghare gharighariko thiyako va thi uturongiya lenji thari na thi roitetengi. E kamwathike iyake Jon i vivathangi gharighari e

gharenji Jisas le mena kaiwae.

Mbaña lolo regha i lonweghathi Jisas Kraiss, nuwaiya i bapitaiso na mbala gharighari thi thuwe i tabona Kristiyan.

Bapitaiso gharumwaru iyake. Loloke i bapitaiso iye va i uturangiya le thari na i rotetengi. I varuminje Jisas Kraiss, iya i dagerawe na i numotena lenji thari thavala thi variminje. Na tembe ngoreiyeva nuwaiya i ghambu Jisas Kraiss.

¹⁶ **Benjamin** [*English: Benjamin*] — (Vak 13:21; Rom 11:1; Pilip 3:5; Vat 7:8). Benjamin va Jakob le ngamanngamani theyaworo na theghewo regha na iye nasiyeninji. Iya kaiwae uu theyaworo na theghewo regha, iye va rumbuye. Hu thuwe **Eibraham**.

¹⁷ **Beril** [*English: beryl*] — (Vat 4:3; 21:11, 18-19). Beril iye vari thovuye laghiye, na ma lemoyo inanjiwe. Hu thuwe **Vari thovuthovuye na modanji laghiye**.

¹⁸ **Bilisabul** [*English: Beelzebul*] — (Mat 10:25; 12:24, 27; Mak 3:22; Luk 11:15, 18-19). Bilisabul iye nyao raraithari ghanjigiya idae. Idake iyake i mena weya ida regha, Baal-zebub, nyaongiko regha iya thiye uko vavana inanji Isirel gharighariniye ghadidinji va thi kurukuru-ruwe. Nyaoko raraithari ghanjigiya idae Seitan. Hu thuwe **Satan**.

¹⁹ **Bred ma weiye isit** Hu thuwe **Bred Ma Weiye Isit Gha Thaga, Thaga e tine**.

²⁰ **Dagerawe** [*English: Promise/Covenant*] — (Dagerawe Teuye: Luk 1:72; Vak 3:25; 7:8; Gal 3:17; Hibu 9:1. Dagerawe Togha: Mat 26:28;

Mak 14:24; Luk 22:20; Rom 11:27; 1Kor 11:25; 2Kor 3:14; Hibru 7:22; 8:6-13; 9:15; 10:16, 29; 12:24; 13:20). Dagerawe iya gharighari theghewo or wabwi theghewo thi vevaraenja wenji. Dagerawe e tine, lolo regha o wabwi regha i dagerawe na thi vakatha bigi regha kaiwae, na iye wone i vakatha big regha. Loi le dagerawe e tine, iye Loi va i dagerawe wenjiya gharighari, inja ne Ramanji na ghanji Giya. Gharighariko wone thi ghambu.

Dagerawe theghewo Loi va i vakatha weiyangiya gharighari. Dagerawe Teuye na Dagerawe Togha. Dagerawe Teuye iye Loi va i wogiya e ou Sainai. Loi va i dagerawe ne i njimbukikiya gharighari na le gharighari thonjo thiye thi ghambugha vara Mosese le Mbaroko wolaghiye. Ko iyemaenje ma valikaiwae lolo regha i ghambuvao Mosese le Mbaroko wolaghiye, iya kaiwae ma lolo regha valikaiwae Loi i wovarumwarumwaruna Dagerawe Teuye ghambana e tine.

Dagerawe Togha e tine Loi i dagerawe thonjo lolo regha i lonweghathi Jisas Krai, ne i wovarumwarumwaruna. Valikaiwae i vakatha iyake kaiwae mbanja Jisas i mare, i wo Loi le lithi gharighariko wolaghiye lenji thari kaiwae. Iya kaiwae thela thonjo i lonweghathi Jisas Krai i tabona i rumwaru, ngoreiye ma mbanja regha i vakatha thari o i raka Loi le mbaro mbe regha enje.

²¹ **Dagerawe gha Bogis** [*English: Ark of the Covenant*] — (Hib 9:4; Vat 11:19). Bogiske

iyake va bogis thi vakatha e umbwa (timba). Vwataeko va thi monje vaghiliya e gol. E tine vari laghiye theghewo inanjiwe, iya va Loi i rori le mbaro theyaworomawe. Lenji ghinagha e tinenji gharighariko va thi bigiya bogiske iyake. Mbanja thi yakuyaku, thi thinruwo bogiske iyake Mevathavatha Ngoloniye e tine moli. Bogiske iyake na bigibigiko inanji e tineko thi boboma laghiye kaiwae thiye Loi le nono wenjiya Jiu gharighariniye le dagerawe kaiwanji. Va thi vakatha Ngolo Boboma e ghereiye, bogiske i yakuyaku e tine, ina Woluwolu Bobomako Moli e tine.

²² **Deivid** [*English: David*] — Deivid iye va kin laghiye regha Isirel e tine. Iye Jese nariye taboghaniye vara. Amba va thi vakathana kin o giya, va mbowo i njimbukikiya ramae le sip. Va mbanja regha mbanja vamba tabogha, va i gaiti weiyee ragagaithi laghiye moli regha na i tagavamare.

Deivid i gharethovu laghiye moli weya Loi. Va i roriya wothuwothu lemoyo moli, Loi ghatarawa kaiwae, iye thinana Sam.

Jisas iye Deivid rumbuye regha (Rom 1:3; Vat 22:16). Mbanja mava Jisas i viri, Loi ghalinae gharautungi va thi rori iye Krais na Ravamoru, iye Loi ne i variye, na i tabona Deivid rumbuye regha.

²³ **Eibraham** [*English: Abraham*] — Eibraham iye Jiu gharighariniye rumbunji iviva moli. Va i vivako Loi i dagewe Eibraham ne i giyawee vanautuma togha. Eibraham na orumburumbuye lemoyo ne thi yaku gheko na ghambanji.

Loi va i dagewe na i iteta vanautuma iya va inakowe, na mbala i wa vetamweya vanautu-make togha iyake. Eibraham va i ghambu Loi ghalinae. Va i ghinagha bwagabwaga moli na i wo theghathegga molao moli. Vanautumako iyako mbanake thi uno idae Isirel.

Loi va i vakatha dagerawe weiye Eibraham, i dagerawe iye na orumburumbuye ne thi tabona le gharighari. Ne i njimbukiki wenji thonjo thi ghambu ghalinae.

Eibraham levo idae Sera. Mava thi ghambi ghaghada thi thanja moli. Amba Loi i vakatha vakatha ghamba rotale kaiwanji na Sera i ghambi nariye. Thi rena idae Aisak.

Mbana Aisak i tabovoro laghiye i ghe weiye Rebeka. Rebeka va i ghambi lenji ngamanagama theghewo, ngama ruworuwo, idanji Iso na Jakob. Mbana thi yakuyaku Loi i giya Jacob ida togha, Isirel. Jakob orumburumbuye thiye Jiu, na thi uno idanji regha Isirel gharighariniye.

Jakob va i mbuwawonangi theunyiwo, idanji Liya na Rachel. Tembe ngoreiyeva i ghe weiye rakakaiwobwaga euniwo. Jakob lenganga Ruben, Simiyon, Livai, Juda, Isakar, Sebulon, Gad, Asir, Josep, Benjamin, Dan na Napatali. Theyaworo na theghewoko thiyako lenji gamagai va ighanagha moli, na thiye lenji gamagai tembe ngoreiyeva ighanagha moli. Taulaghiko thiye Isirel orumbrumbuye, na iye Eibraham rumbuye.

²⁴ **Emerold** [*English: Emerald*] — (Vat 4:3; 21:19). Emerold iye vari ghayamoyamo thovuye

moli na ma lemoyo inanji. Hu thuwe **Vari thovuthovuye na modanji laghiye.**

²⁵ **Eron** [*English: Aaron*] — (Luk 1:5; Vak 7:40; Hib 5:4; 7:11; 9:4). Eron rumbuye Livai iyava Jakob le ngamanjama theyaworo na theghewo regha. Eron va ravowovowo i viva moli. Loi va inja ravowovowo wolaghiye ne thi mena Eron orumburumbuye wenji.

Eron ghaghae Mosese, na iye laghiyeniye. Raiwo na ghaghaeke va thi viri mbanja Jiu gharighariniye va thi yaku Ijpt e tine na thi tabona rakakaiwobwaga. Eron va i thalavu Mosese na thi vangungiya Jiu gharighariniye na thi voranji Ijpt.

Va mbanja regha gharighari vavana thi thighiyawanangiya Mosese na Eron, Loi i vamanjamanjalana wagiya we thenjighewoko thiye randevivangi va i tuthi wenjiya Jiu gharighariniye kaiwanji. Uu theyaworo na theghewo lenji randeviva regha na regha thi wo umbwa iya i vatomwe iye ghauu lenji randeviva. Loi va i dage wenjiya Mosese na Eron na thi bigivathavatha umbwa (umbwake thiyake uu lenji randeviva ghanjinono) na thi bigirawenji Mevathavatha Ngoloniye e tine. Loi va inja loloko va i tuthiko le umbwa ne i thalavwara. Mbanja ighiviyava, Eron le umbwa va i thalavwara, na tembe ngoreiyeva i vunyenyene na i rau na e uneune. Loi va inja Eron le umbwa valikaiwae ina Dagerawe gha Bogis e tine iya ina Mevathavatha Ngoloniye. Eron le umbwako va Loi ghanono wenji. (Legha 17:1-10; Hib 9:4). Hu thuwe **Livai** na

Mosese. Tembe hu thuweva **Dagerawe gha Bogis.**

²⁶ **Fig** [*English: fig*] — Fig iye umbwa regha na i rau na une thi loghe moli.

²⁷ **Ghaliṅae gharaghambi** [*English: apostle*] — Jisas va i tuthiya gharaghambu theyaworo na theghewo na thiye ghaliṅae gharaghambi (Mat 10:1-4; Mak 3:13-19; Luk 6:12-16). Amaa-malake thiyake vambe thi yakuvara weinji na i vavaghareṅgi. Mbe e maranji vara va thi thuwe le mare na le thuweiru. Jisas i variyenḡi na vethi utunḡa wenḡiya gharighari budakaiya va thi thuwe na vethi vavagharena Totoniye Thovuye wenḡi. Thiye va thi tabona Jisas gharalonḡwelonḡweghathi ghanjigiyagiya.

Mbaṅa muyai Jisas i yomarawe Pol na i tuthiva na ghaliṅae gharaghambi. Banabas na gharighariko seiwova thi uno ghaliṅae gharaghambi, ko iyemaenḡe Jisas mava i tuthinḡi.

²⁸ **Ghamba vowo** [*English: altar*] — Jiu vambe thi vowovowo vara weya Loi. Va thi gabo thetheghan regha ḡgoreiye sip, gout o burumwaka ghimoru, na lenji vowo. Ghamba vowo, iyava thi vakatha vari, iya anḡa thi vowowe.

Va iri Moses ghambaṅa na i ghaoko, mbe ravowovowo enḡe thi vakatha vowo. Na va thi vakatha mbe ghamba vowo enḡe Mevathavatha ḡgoloniye e tine, na muyai thi vakatha ḡgolo Boboma e tine. Ghamba vowo ina ḡgolo Boboma e tine va ḡgoreiye tebol laghiye thi vakatha brass. Tebol nasiye regha va

ina gheko, thi vakatha e gol. E vwatae ravovovowo thi ngambu bigi butiye thovuye.

²⁹ **Gharaghambu** [*English: disciple*] — Gharighariko, thiye thi variminje Jisas, thiye thi lonḡweghathi le utuutu na thi ghambu, thiyeke ra uno gharaghambu. Buk Boboma Togha Vakatha e tine, Jisas gharaghambungiko tene thi unova “thiye thi lonḡweghathi Jisas” na “oghaghanḡngi.”

Buk Boboma Togha Matiu, Mak, Luk na Jon e tinenji mbanaviye thi utuṅa Jisas gharaghambu thegheyaworo na theghewo. Gharaghambuko wolaghiye e tine, Jisas va i tuthi theyaworo na theghewo na thi yaku weinji. Tembe thi unongiva Jisas ghalinḡae gharaghambinḡi (Mat 10:1-4). Hu thuwe **Ghalinḡae Gharaghambi**.

³⁰ **Gidiyon** [*English: Gideon*] — (Hib 11:32). Gidiyon va Isirel lenji randeviva regha. Iye va le lonḡweghathi i laghiye na i nanḡo weya Loi na i njimbukikingi. Mbanḡa i vaḡḡngiya ragagaithi na i viva wenḡi gaithi kaiwae, othembe ma taulaghinḡi iye e le valivaḡako, ko iyemaenḡe thiye ne thi kivwalaḡiya ghaghithiyangiko kaiwae Loi i thalavunḡi.

³¹ **Gomora** [*English: Gomorah*] — Hu thuwe **Sodoma**.

³² **Grik, vaṅa Grik** [*English: Greek, Greek language*] — Hu thuwe yambaneke ghamap na gheko hu thuwe vanautuma regha idae Grik. Atens na Korinita va ghembaghamba laghilaghiye inanḡi Grik e tine. Va i vivako Grik gharighariniye va thiya vavaona wagiyaawe, na

gharighariko wolaghiye thi yawwatata wanangi lenji thimba kaiwae. Vaṅa Grik gharighari ighanagha thi vaṅa Grik e tine, na tembe ṅgoreiyeva iyanṅaniye Grik ghanjiragagaithi va thi wa. Amaamala va thi rori Buk Boboma Togha va thi rori e vaṅa Grik.

³³ **Heiga** [*English: Hagar*] — (Gal 4:21-31). Heiga iye rakakaiwobwaga wevoniye Sera e le ṅgolo tine, Eibraham levo. E mbanako iyako Sera ma vamba i ghambi ṅgama, Sera i dage weya Eibraham na i ghenā weiye Heiga, na Heiga i ghambi ṅgama idae Ishmael. Ko Ishmael mava ṅgama Loi va i dageraweya Eibraham, na Ishmael orumburumbuye mava thi wo budakai Loi va i dagerawe na i wogiyawe Eibraham orumburumbuye. Amba Sera i ghambi ṅgama. Eibraham i uno idae Aisake. Iye Loi le dagerawe ṅgamaniye.

Amba Sera i ghambi Aisake e ghereiye, amba i gaithiwana Heiga na i vakatha na i variyeyathu. Heiga i wa na ve yaku ou regha idae Sainai. Ina e ouko iyako theghathegħa ighanagha, amba Loi i dage weya Mosese na i wogiya weya le mbaro. Iya kaiwae iṅa ina Galeisiya 4 Heiga, iya rakakaiwobwaga wevoniye, i methi Jiu gharighariniye. Thiye ṅgoranjiya rakakaiwobwaga weya Loi kaiwae thi loṅweghathi thonṅo lolo i ghambunṅi le mbaro, iye Loi ne i wovatha na iṅawe lolo rumwaru. Ma thi loṅweghathi Loi għaliṅae iya ma thi wovatha iye thi rumwaru thavala thi loṅweghathi Jisas Krai.

³⁴ **Herod** [*English: Herod*] — Buk Boboma

Togha e tine ghimoghimoru theghevari thi uno idanji Herod.

1. Kinj Herod, iya thi uno “Herod i laghiye moli,” va Judiya lenji kinj mbananiye Jisas le viri. Iye va i mando na i vakatha Jisas i mare mbanja amba ngama (Mat 2:1-22; Luk 1:5).
2. Herod Antipas va Galili gharambarombaro mbananiye Jisas vs i vavaghare na i vakatha vakatha ghamba rotaele. Iye i vanju Herodiyas na i dage vurigheghe na thi kitena Jon numwe. Jiu gharighariniye thi yovanju Jisas we na i kot weiye, amba muyai thi rokros. (Mak 6:14-29; Luk 23:6-12).
3. Kinj Herod Agripa Iye Iviva va i vakatha vuyowo laghiye wengiya thavala thi lonweghathi Jisas Krais e ekelesiya va i vivako e tine. Va i tagavamare Jemes iye Jon ghaghae (Vak 12:1-23).
4. Kinj Herod Agripa Iye Theghewoniye iya Pol va i utugiya gha vuyowo amba muyai Gawana Pestas i variye Pol na i wa Rom na vekot Sisa e marae (Vak 25:13-26:2; 26:19, 27-32).

³⁵ **Hibru** [*English: Hebrew*] — Idake “Hibru” mboromboro weiye idae “Jiu.” Jiu o Hibru, thiye Eibraham orumburumbungi. Idake “Hibru” i mena weya lenji tanakau regha idae Eiba. Hu thuwe **Jiu**.

³⁶ **Hisop** [*English: Hyssop*] — (Jon 19:29; Hib 9:19). Hisop iye umbwa regha. Ravowovowo va i li hisop yangae weiye ndamwandamwa na i vighathi e mbothiye na i liutu e madibe amba

i variriya gharighariko o bigibigiko mbala thi boboma Loi e marae.

³⁷ **Hosana** [*English: Hosana*] — (Mat 21:9, 15; Mak 11:9-10; Jon 12:13). “Hosana” iye dage mwaewo regha iya gharighari va thi kula na thi yavwatatawana lolo regha. Mbwata gharumwaru “Loi i vamoru” o “Ra tarawe.” Ko Jisas ghambaᅇa e tine gharumwaru “Ra tarawenge!”

³⁸ **Ijpt** [*English: Egypt*] — Ijpt iye va-nautuma regha ina Isirel ghadidiye. Isirel gharighariniye va thiye rakakaiwobwaga Ijpt e tine theghathegha thegheseriyevari (Vak 7:34-38). Hu thuwe Rom Ghaghambambaro ghamap.

³⁹ **Ilaija** [*English: Elijah*] — (Mak 9:4; Rom 11:2-5; Jem 5:17; na vavana). Ilaija va Loi ghalinae gharautu laghiye, iya i ᅇaebariri wanangiya kin raithari na taulaghiko thiyako thi kururu wengiya loi kwankwan Isirel e tine. Jiu gharighariniye lemoyo thi renuwaᅇa ne i njogha na i vanamwe kamwathi Mesaiya le mena kaiwae. Jon Rabapitaiso va ᅇgoreiye Ilaija kamwathi lemoyo e tine (Mat 11:14; Luk 1:17).

⁴⁰ **Ilaisa** [*English: Elisha*] — (Luk 4:27). Hu thuwe **Naaman**.

⁴¹ **Inisenis** [*English: Incense*] — (Luk 1:9-11; Vat 5:8; 8:3-4; 18:13). Inisenis butiye thovuye moli. Va thi vakatha e umbwaumbwa thinji o ndamwandamwa na wathewatheliliye. Ngolo Boboma e tine thi ᅇambu na butiye i thovuye mbaᅇa gharighari va thi nanᅇonango weya Loi.

⁴² **Isit** [*English: Yeast*] — (Mat 13:33; 16:12; 1Kor 5:6-8; Gal 5:9; na vavana). Isit thi vakai-wona na thi vakatha bred. Iye i vakatha bred na i roro. Isit mbe nasiye enge ne i vakatha bred lemoyo moli.

⁴³ **Iso** [*English: Esau*] — (Rom 9:10-13; Hib 11:20; 12:16-17). Eibraham nariye Aisake na levo Rebeka thi ghambingi gamwaruworuwo, Iso i viriviva na ghaghae Jeikob i virireghamba. Mbanja regha mbanja Iso bada i ghari, va i vakunena budakai ne i wo kaiwae iye Aisake nariye i viriviva weya ghaghae Jeikob na modae ghaninga regha wit thi ge. Iya kaiwae va Jeikob orumburumbuye thi tabona Loi le tututhi gharighariniye, ma Iso orumburumbuye. Hu thuwe **Eibraham**.

⁴⁴ **Isirel** [*English: Isirel*] — Isirel iye mbe ida laghiye Loi i wogiyawe Jeikob, Aisake na levo Rebeka narinji theghewo regha. Isirel le ngamanagama theyaworo na theghewo. Thiye va thi tabona uu theyaworo na theghewo Isirel e tine. Hu thuwe **Eibraham**.

Isirel orumburumbuyengi idanji tomethi. Iviva thi uno "Isirel le gharighari" na muyai thi uno "Jiu gharighariniye." Tembe ngoreiyeva thi uno "Hibru gharighariniye." Hu thuwe **Jiu**.

Vanautumako iya Isirel gharighariniye thiya yakukowe mbowo thi unova Isirel. Va i vivako thi uno Keinan. Ida regha iye Palastain.

⁴⁵ **Ive** [*English: Eve*] — (2Kor 11:3; 1Tim 2:13-14). Ive va Adam levo. Va e mbanako iyako Loi va i vakatha yambaneke, va i vakathakai Adam. Amba i wo Adam ngangaye na i vakatha

Ive. Amba muyai Seitan i mena weya Ive na i valoghe nuwe na i ghan umbwako une iyava Loi i dageten na tha thi ghan. Na tembe i wogiyava umbwama une na Adam i ghan. Mbanako iyako Adam na Ive thi lonweyathu Loi ghalinae, gharighari thi vakatha thari. Kein, Abel na Set va Adam na Ive lenji ngangangi.

⁴⁶ **Jasinit** [*English: jacinthe*] — (Vat 4:3; 21:11, 18-19). Jasinit iye vari thovuye laghiye, na ma lemoyo inanjiwe. Hu thuwe **Vari thovuthovuye na modanji laghiye.**

⁴⁷ **Jaspa** [*English: jasper*] — (Vat 4:3; 21:11, 18-19). Jaspa iye vari thovuye laghiye, na ma lemoyo inanjiwe. Hu thuwe **Vari thovuthovuye na modanji laghiye.**

⁴⁸ **Jeikob** [*English: Jacob*] — Jeikob va Aisake nariye. Tinae Rebeka. Ghaghae gamwaruwo Iso. Othembe Iso i viriviva, Jeikob iye Loi va i tuthi na i laghiye, ngoreiye va i viriviva. Jeikob orumburumbuye Jiu gharighariniye. Hu thuwe **Isirel, Eibraham, na Iso.**

⁴⁹ **Jeremaiya** [*English: Jeremiah*] — (Mat 2:17; 16:14; 27:9). Jeremaiya va Loi ghalinae gharautu. Va mbananiye mbanja Isirel gharighariniye ma thi ghambu Loi ghalinae, Jeremaiya i dage wenji na thi uturanga lenji thari na thi roitetengi. Iye mbowo i utunava bigibigi lemoyo ne thi yomara Kraiss le mena ghambana e tine.

⁵⁰ **Jese** [*English: Jesse*] — (Mat 1:5-6; Luk 3:32; Vak 13:22; Rom 15:12). Jese nariye Kin Deivid, iye Jisas Kraiss rumbuye. Buk Boboma Teuye e tine Loi ghalinae gharautu Aiseya va inja Kraiss ne iye Jese na Deivid rumbunji. Hu thuwe **Deivid.**

⁵¹ **Jisas** [*English: Jesus*] — Idake iyake gharumwaru “Ravamoru” o “La Loi iye ghanda Ravamoru.” Meri nariye Loi va i rena idake iyake kaiwae Jisas ne i vamorungiya gharighari e lenji thari tine (Mat 1:21). Ida vavana thi uno Jisas: Jisas Kraiss, Loi Nariye, Lolo Nariye na Deivid Nariye.

⁵² **Jiu** [*English: Jew*] — Jiu thiye Eibraham orumburumbuye. Hu thuwe **Eibraham**. Mbanja va i vivako Jiu gharumwaru “gharighari thiya yaku Judiya e le valivanja” o “gharighari thi mena uu Juda.” Juda va Isirel ghanjiuu theyaworo na theghewo regha. Amba muyai Jiu gharumwaru “Isirel gharighariniyeko wolaghiye.” Hu thuwe **Isirel**.

Toto Thovuye Jon le rorori e tine, utuke Jiu i methi Jiu gharighariniye lenji randevivangi na lenji rambarombaro thiye thi thighiyawana Jisas.

⁵³ **Jiu lenji kot laghiye** [*English: Sanhedrin*] — (Mat 26:59; Mak 14:55; 15:1; Luk 22:66; Jon 11:47; Vak 4:15; 5:21; 6:12; 22:30; 23:1; 24:20). Sanhidren va kot laghiye weiye Jiu amaamala thegheyepiri na regha na e vwataeva. Amaamala thiye idaidanji laghilaghiye. Kotike iyake thi tuthi bigibigi kururu kaiwanji. Rovowovowo laghilaghiye lenji randeviva i mbaronga lenji niva. Mbanja thi vangumena Jisas e marae, thiya ne i mare. Ko iyemaene mbe Rom gharambarombaro enge thi tuthi na i mare, iya kaiwae va thi variye na i wawe Pailat, Rom ghagawana regha.

⁵⁴ **Jon** [*English: Jon*] — Buk Boboma Togha lenji rarorori thi utuṅa gharighari lemoyo idanji Jon. Theghewoko laghiye moliko thiye Jon Rabapitaiso na Jon iye Jisas ghalinṅae gharaghambi regha:

1. Jon Rabapitaiso “Jon the Baptizer” va Loi ghalinṅae gharautu regha i vi-vatharawe kamwathi Jisas kaiwae. Iye ghalinṅae gharautu va ṅgoreiye Ilaija, na tembe ṅgoreiyeva Ilaija, i dage vurigheghe wenḡiya gharighari na thi uturaṅgiya lenji thari na thi roitetengi mbala Loi ne i numotenḡi. Hu thuwe Mat 3:1-15; 11:2-19; 14:1-12; 17:13; 21:24-32; Mak 1:4-11; 6:14-29; 11:29-33; Luk 1:13-17, 57-63, 76-80; 3:2-20; 7:18-33; 11:1; Jon 1:6-8,15, 19-36; 3:22-30.
2. Jon Jisas ghalinṅae gharaghambi regha “Jon the Apostle” va Sebedi nariye na Jemes ghaghae. Va i rori Toto Thovuye Jisas Kraiṅ, Jon Le Rorori, na Leta Iviva, Theghewoniye na Theghetoniye Jon Le Rorori, na tembe ṅgoreiyeva Vatomwe. Hu thuwe Mat 4:21-22; 10:2; 17:1-13; Mak 1:29; 3:17; 5:37; 9:1-13, 38; 10:35-41; 13:3; Luk 8:51; 9:28-36,49,54; 22:8; Vak 3:1-11; 4:13, 19-20; 8:14-17; Gal 2:9; Vat 1:1,4,9; 22:2,8.
Vavana tembe idanjiva Jon:
3. Jon Mak, iye Banabas ighaiye na Pol le valirakakaiwo, i roriya Toto Thovuye Mak Le Rorori. Hu thuwe Vak 12:12; 13:4-13; 15:37-39; Kol 4:10; 2Tim 4:11; Pilim 24; 1Pit 5:13.
4. Saimon Pita ramae va idae Jon (Mat 16:17; Jon 1:42; 21:15-17).
5. Ravowovowo laghiye Anas le boda regha

idae Jon (Vak 4:6).

⁵⁵ **Jona** [*English: Jonah*] — (Mat 12:39-41; 16:4; Luk 11:29-32). Jona va Loi ghalinae gharautu regha. Mbanja regha Loi i variye na i wa e ghemba idae Ninive na i vavaghare Loi totoniye wenji. Ko iyemaenge ma nuwaiya i ghambu Loi. I tha e wanja regha na i wava e ghawo reghava. Mbanja vambe ina e wanja, Loi i variye ndewendewe laghiyewe. Gharighariko inanji wangako thi gharegharekai Loi i gharegaithiwe Jona na iyake kaiwae i rowo laghiye. Iya kaiwae thi wokiyathu e njighijko tine na thi vamorunji ghanjimberegha. Borogi laghiye va i kovululu Jona, na i yaku e ngamoiye mbanja mbanjato amba borogiko i thegharanjiya e kerakera vwatae. Iyake e ghereiye, Jona i ghambu Loi na i wa Ninive na i vavaghare Loi totoniye gheko.

⁵⁶ **Josep** [*English: Joseph*] — Gharighari tome-thi inanji Buk Boboma Togha e tine idanjiya Josep.

1. Jakob le ngamanjama theyaworo na theghewo, thiye Isirel orumburumbunji, regha idae Josep. Iye ghaghae moli Benjamin. Hu thuwe Vak 7:9-14; Jon 4:5; Hib 11:21-22; Vat 7:8.
2. Josep, iye Meri Jisas tinae le ghimoru. Hu thuwe Mat 1:16, 18-20, 24; 2:13, 19; Luk 1:27; 2:4, 16, 33, 43; 3:23; 4:22; Jon 1:45; 6:42.
3. Josep, Jisas ghaghae regha. Hu thuwe Mat 13:55; Mak 6:42.
4. Josep, Jemes iye thi uno taboghaniye ghaghae. Hu thuwe Mat 27:56; Mak 15:40,

47.

5. Josep iye rara Arimathiya, va i gogomwau na iye Jiu lenji kot laghiye lenji randeviva regha. Iye va amala thovuye na i ghambu Jisas Krai. Hu thuwe Mat 27:57-60; Mak 15:42-46; Luk 23:50-53; Jon 19:38-42.
6. Josep Basabas, Jisas gharaghambu regha. Va ina weya Jisas va irikowe. Mbanja va thi tuthiya ghalinae gharaghambi regha na Judas gathithi, thi tuthi wenjiya Josep Basabas na Mataiyas. Loi i tuthi na Mataiyas idae thi vaidi. Hu thuwe Vak 1:23.
7. Josep, idae laghiye Banabas. Hu thuwe Vak 4:36.

⁵⁷ **Josuwa** [*English: Joshua*] — (Vak 7:45; Hib 4:8). Mosese va i mare na e ghereiye, Josuwa i tabona Isirel lenji randeviva. I viva wenjiya gharighariko na thi ru Kenani e le valivanja, iya Loi va i dageraweko wenji. Thi gaiti wenji na thi kivwalanjiya gharighariko va thi yakuko gheko. Amba Josuwa i ghatha Kenani na wabwi wabwiyaworo na wabwiwo, na i giya wabwira iya wenjiya uu regha na regha ghambanji, ma mbe Livai enge, kaiwae thiye ravowovowonji. Josuwa iye randeviva laghiye, na i dage vurigheghe wenjiya gharighari na thi ghambu Loi e gharevatomwe. Va inja, “Ghino na lo bodaboda, ne wo ghambugha Loi.”

⁵⁸ **Juda** [*English: Judah*] — (Mat 1:2-3; Hib 7:14; 8:8; Vat 5:5; 7:5). Juda iye va Jakob le ngamanjama theyaworo na theghewo regha. Iye orumburumbunji uu idae Juda. Orumburumbunji va thi yaku Judiya e le valivanja.

Ghemba Jerusalem ina Judiya. Jisas Krai va i mena uu Juda na i viri e ghemba regha idae Betilehem Judiya e tine.

⁵⁹ **Kalsidoni** [*English: chalcedony*] — (Vat 4:3; 21:11, 18-19). Kalsidoni iye vari thovuye laghiye, na ma lemoyo inanjiwe. Hu thuwe **Vari thovuthovuye na modanji laghiye**.

⁶⁰ **Kamel** [*English: camel*] — (Mat 3:4; 19:24; 23:24; Mak 1:6; 10:25; Luk 18:25). Kamel iye thetheghan laghiye iye gharighari thi thawe na tembe dowe kaiwaeva. Mbanja vavana vulivuliye thi vakaiwoŋa na thi vakatha kwamawe ma modae i laghiye. Kamel ngalingaliyae ina page ###-### e lughawoghawo.

⁶¹ **Kaniliyan** [*English: carnelian*] — (Vat 4:3; 21:20). Kaniliyan iye vari ghayamoyamo i thovuye laghiye, na ma lemoyo inanjiwe. Hu thuwe **Vari thovuthovuye na modanji laghiye**.

⁶² **Kein** [*English: Cain*] — (Hib 11:4; 1Jon 3:12; Jiud 11). Kein va Adam na Ive narinji regha na laghiyeniye. Va i yamwakabu ghaghae nasiyenyewe Abel, kaiwae Loi i wovatha Abel le vowo iye sip, ko iyemaenge i botewo Kein le vowo wit. Iya kaiwae Kein i unighi Abel. Iyake kaiwae, Loi inja na Kein ne i robwabwari yambaneke laghiye na gharigharike wolaghiye thi botewo.

⁶³ **Kenani** [*English: Canaan*] — (Mat 15:22; Vak 7:11; 13:19). Kenani iye Loi va i dawerawe na ne i giya wenjiya Isirel gharighariniye na lenji thelau. Noroke thelauko iyako idae Isirel. Mbanja vavana thi uno idae Palestin.

64 Kiteniyathu thanavuniye [*English: circumcision*] — Jiu gharighariniye ghanjithanavu regha iye kiteniyathu thanavuniye. Ngama ghimoru regha na regha mbaņa i wo mbaņawa na e ghereiye wo i wo kiteniyathu thanavuniye. Gharighariko va thi vakatha iyako kaiwae Loi va i dagewe Eibraham iye na orumburumbuye mbala thi vakatha ngoreiye (Righ 17:9-14). Kiteniyathu thanavuniye va nono gharumwaru ghimoru iye va Jiu. Mbaņa vavana thi uno Jiu “gharighari thiye thi wo kiteniyathu thanavuniye.”

Mbaņaniye gharighari va thi vavagharekai Toto Thovuye wenģiya gharighari, Jiu vavana va thiņa thela thongo nuwaiya i tabona Kristiyan ko iye ma Jiu gharighariniye regha, iviva ne i wo kiteniyathu thanavuniye. Iyake ghanono iye i tabona Jiu na i varaņa ne i ghambu Mosese le Mbaro. Thongo va i vakatha iyake, ne e ghereiye valikaiwae i tabona Kristiyan. Pol mava i varaņa renuwanako iyako. Va i utuņa iyake e letako va i roriko na i variye wenģiya ekelesiya ina Galeisiya. Tembe ngoreiyeva i utuņake lemoyo rororiko e tine. Va iņa mbe bigi regha enge lolo regha wo i vakatha na i tabona Kristiyan, iyake wo i lonweghathi Jisas Kraais.

65 Kraais [*English: Christ*] — Dageke Kraais i mena Grik e ghalinjanji na gharumwaru “lolo iye regha thi varuvu e bunama.” Jiu gharighariniyengi dageke Mesaiya tembe gharumwaruva “lolo regha va thi varuvu e bunama.” Mbaņa va i vivako mbaņa Loi i tuthiya

Isirel gharighariniye lenji kin, ravowovowo laghiye va i varuvu e bunama na iyake i tabona nono i govwambwara amalaghiniye va i tuthi na kin. Ko mbaṅa Loi i dagerawe iṅa ne i variye Ravamoru na i vamorunḡiya le gharighari na i womena vwenyevwenye Loi le mbaro, i uno idae “Mesaiya” o “Krais,” na i vatomwe iye ghamberegha va i tuthi na i variye.

⁶⁶ **Krisolait** [*English: chrisolite*] — (Vat 4:3; 21:11, 18-19). Krisolait iye vari thovuye laghiye, na ma lemoyo inanjiwe. Hu thuwe **Vari thovuthovuye na modanji laghiye**.

⁶⁷ **Kros** [*English: cross*] — Kros iye Rom lenji rambarombaro ghanjithanavu thi lithi rakaivi e mare e kros vwatae. Iyake lithi wenḡi ragabo, gharighari thavala thi kaivi bwagabwaga. Ra vakatha kros ra wo tu weiye umbwa regha nasiye i valawe i mborowae. Rakaivi va thi vurigheghe nḡenge na thi wo kros na thi wa iya ghembako ne vethi gabonḡikowe. Iyako ragagaithi thi tagavatadi lolokowe e krosko o thi li thiyo na thi nḡarighathiwe. Amba thi vwan-dan krosiko na thi teteya loloko i kwate gheko ghaghad i mare. Lolo thi rokros nḡoraiyake wo i ghatana viri laghiye amba muyai i mare. Ghare-gaithi kaiwae na thi tagavamare e kros. Jisas iṅa thonḡo lolo regha nuwaiya na gharaghambu wo i renuwaṅa valaweya ghamberegha na i wo gha kros na i ghambugha Jisas (Mat 10:38; 16:24; Mak 8:34; Luk 9:23; 14:27). Iyake gharumwaru Jisas gharaghambu mbe thi roroghagha na thi ghatana viri iya kaiwae na thi vatomwenḡi na thi mare kaiwae.

⁶⁸ **Lepelo** [*English: leprosy*] — (Mat 8:3; Mak 1:42; Luk 5:12-13; 7:22; na vavana). Lepelo iye ghambwera regha. Buk Boboma e tine utuke “lepeloke” iye njimwa ghaghambwera iya ma mboromboro weiye “leprosy” noroke. Thiye va thi ghambwerana lepelo ma valikaiwanji na thi yaku weinjiyanga gharighari ma thi ghambwerana. Gharighariko thovuthovuye ma thi yaku weiyanga thavala thi ghatana lepelo. Ma thi utu wenji. Ma valikaiwae thi kururu weya Loi e ngolo kururu o Ngolo Boboma e tinenji.

⁶⁹ **Livai** [*English: Levi*] — (Hib 7:5, 9-10; Vat 7:7). Livai iye va theyaworo na theghewoma regha Jeikob le ngamangamangi. Livai orumburumbuyengi va thi ghatharangiyanji na thi kaiwo Loi le Ngolo Boboma e tine. Ravowovowo thiye va thi tuthingi thi mena Livai orumbrumbuye wenji. I mboromboro weya Eron ghauu. Hu thuwe **Eron**.

Livai tembe lolo reghava idae. Iye va Jisas ghalinjae gharaghambu theyaworo na theghewoma regha. Mbanja vavana thi uno idae Matiu (Mat 9:9; Mak 2:14; Luk 5:27-29). Iye va Toto Thovuye Matiu gharorori.

⁷⁰ **Loi ghalinjae gharautu** [*English: prophet*] — Ghalinjae gharautu iye lolo i uturangiya totoko Loi i worangi yakowe wenjiya gharighari Loi kaiwae.

Buk Boboma Teuye ghambana Loi va i varyengi ghalinjae gharautuko lemoyo, ngoreiye Samuwel, Aiseya na Jeremaiya. Lemi utuutu e tinenji Loi i worangiya bigibigiko

lemoyo ne thi yomara. Ghalinae gharautuko mbanja vavana thi rorinjoŋa totoko thiyako, na thiyake ra vaidi Buk Boboma Teuye ghabuk idaidanji ngoreiye Aiseya na Jeremaiya. Va i vivako amba muyai Jisas i viri, thi utuŋa le mena na budakai ne i yomarawe. Tembe thi utuŋava bigibigi lemoyo ne thi yomara mbanja yambaneke e le ghambako, amba muyai Jisas Krai ne i njoghama na i ghatha yambaneke.

Buk Boboma Togha e tinenji, mbanja vavana thi utuŋa “Loi ghalinae gharautu.” Hu thuwe Jon 1:21. Ghalinae gharutuke iyake iye thi utuŋake Mba 18:15-18. Iye ghalinae gharautu i laghiye iya Loi va i dagerawe ne i variye.

Buk Boboma Togha e tine, gharighari thi utuutu Nyao Boboma le vurigheghe e tine, thiye thi uno idanji ghalinae gharautu, kaiwae va thi utuŋa totoko Loi i woranjiyako wenji.

⁷¹ **Loi le ghamba mbaro** [*English: Kingdom of God*] — Utuke thiya thi utuŋa Loi ngoreiye rambarombaro o kin, na gharighari ngoreiye le ghamba mbaro gharighariniye. Kin i mbaronangiya le gharighari, na Loi ngoreiye kin kaiwae i ndeganagana le gharighari na i giya wenji bigibigiko wolaghiye nuwanjiya na i viva wenji na i mbaronangi. Loi le ghamba mbaro gharighariniye thiye thi variminje na thi ghambu Loi. Va Jisas i mena e yambaneke, Loi le ghamba mbaro i yomara e kamwathi togha kaiwae Jisas Krai i vugha kamwathi togha na gharighari thi ru Loi le ghamba mbaro.

Loi le ghamba mbaro ina anганиye gharighari thi varaenja Loi iye lenji kin. Mbanja

Jisas ne i njoghama, Loi le ghamba mbaro ne i mboromboro, na gharigharike wolaghiye ne thi thuwe wagiawe.

⁷² **Loi le Sip Nariye** [*English: Lamb of God*] — Jon Rabapitaiso va i uno Jisas Loi le Sip Nariye Jon 1:29, 36 e tinenji. Jiu va ghanjithanavu, mbe thi vovo sip nariye weya Loi mbala Loi ne i numoten lenji thari. Mbanja sip nariye i mare kaiwae madibae i vorurangi na i voruyathu, iyake ngoreiye lolo iye i vakatha thari na i mare. Sip nariye iye thari gharavakatha ghathithi. Na loloko iyako i thinava Loi e marae. Jisas thi uno Loi le Sip Nariye kaiwae va i giya yawaliye ngoreiye vovo mbala la thari Loi ne i numoteningi. Vatomwe Vangothiye 5 Sip Nariye i methi Kraiss.

⁷³ **Loi Nariye** [*English: Son of God*] — Iye Jisas Kraiss idae regha. Mbanja ra vaona Buk Boboma ra thuwe Loi iye mbe regha enge. Loi iye ma e righerighe na va i vakatha bigibigike wolaghiye. Tembe ra thuweva Buk Boboma e tine Loi i tabona lolo mbanja Jisas Kraiss i viri (Jon 1:1, 14-15). Jisas i utu weya Loi na inja ramae. Loi i utu e buruburu na inja Jisas iye nariye. Ko iyemaenge idake iyake “Loi Nariye” ma gharumwaru Jisas ne e yawayawaliye ngoreiye lolo regha na regha nariye. Mbanja ra vavaona Buk Boboma ra thuwe Ramae na Nariye thiye mboromborongi. Thenjighewoko thiye Loi. Thenjighewoko ma e righerighe na ma e lenji ghambako. Thiye mboromboro e bigibigi wolaghiye. Mbwata idake iyake, Loi Nariye, i vatomwe Jisas i ghambu ramae le

renuwanja mbanja i mena e yambaneke na i vamorunjiya gharighari. Ra thuwe Ramae na Nariye thiye Loi regha na ra lonweghathi, othembe ma ra ghareghare ngononga valikaiwanji. Ra ghareghareja gharighari, na Loi iye mbe tomethi. Bigibigike wolaghiye ra ghareghare Loi kaiwae, mbe ra ghareghare enge kaiwae i worangi weinda.

⁷⁴ **Lonweghathi weya Jisas Kraiss** [*English: believing in Jesus Christ*] — Lonweghathi ma ngoreiye hu lonweghathi Jisas mava i yaku e yambaneke. Gharigharike wolaghiye thi lonweghathi iyako. Lonweghathi weya Jisas Kraiss ngonoraiyake: Hu lonweghathi budakaiya Jisas va inja ghamberegha i emunjoru. Hu wovatha le vavaghare wolaghiye. Tembe gharumwaruva iyake: U tuthi Jisas iye Ravamoru na Giya, na u ghambu na u tabona ghalinae gharaghambu.

⁷⁵ **Lolo Nariye** [*English: Son of Man*] — Va i vuvako amba muyai Jisas Kraiss i viri, Loi i vatomwe weya ghalinae gharautu Daniyel budakai ne i yomara mbanja i menamenake tine. Daniyel i thuweya lolo regha i njama e ngalingaliliko buruburu e tine. Loloko i njama weiye le vurigheghe laghiye moli na vwenyevwenye. I mena Loi e marae na amalaghiniye i giya mbaro na i mbaronangiya vanautumake wolaghiye na gharigharike wolaghiye mbanja ma e le ghambako. Daniyel ma i ghareghare loloke iyake me thuwe iye thela. Va i rori othembe i mena e buruburu, ghayamoyamo ngoreiye “lolo nariye.” Gharumwaru, ghayamoyamo ngoreiye

lolo. Buk Boboma Togha e tine, mbanaviye Jisas i uno ghamberegha “Lolo Nariye.” Mbanja va i vakatha iyake, i woranjiya iye ghamberegha iya Daniyel va inja ne i mena.

⁷⁶ **Lot** [*English: Lot*] — (Luk 17:28-32; 2Pit 2:7). Lot iye Haran nariye, Eibraham ghaghae nasiyeniye. Lot inja Eibraham iye ramae. (Hu thuwe **Eibraham**.) Mbanja Eibraham va i wa na ve tamweya vanautuma togha Loi va i dagerawe ne i wogiyawe. Amba muyai vethi ru vanautumako iyako. Lot va i wa ve yaku e ghemba laghiye Sodoma. Gharighari Sodoma va thi vakavakatha vakatha raraithari lemoyo. Ko iyake kaiwae Loi inja ne i mukuwo ghembako iyako. Loi i variye le nyao thovuye ve dage vurigheghe weya Lot na i vo amba i variye ndighe. Amba Lot na le njanja thi wareri. Ko amba Loi i mukuwo ghembako iyako e ndighe. Nyao thovuye va i dage wenji Lot thava ne thi maranjogha e ghereinji mbanja thi iteteya ghembako laghiye, ko Lot levo i ghimaranjogha na e mbanjako vara iyako i tabonavara njighi i mbumbu na ngoreiye vari laghiye.

⁷⁷ **Manna** [*English: manna*] — (Jon 6:31, 49, 58; Hib 9:4; Vat 2:17). Isirel gharighariniye thi voranji Ijpt e tine na e ghereiye, thiye thi lonjgatako theghatheghe ghwevari e vurivuri vwatawata. Mbanjanjiko thiyako e tinenji Loi i vakatha ghamba rotale na i giya ghaninga na thi ghan. Ghaningake iyake idae “manna.” Va i mena e buruburu na i dobunja yambaneke mbanja regha na regha, mbe mbanja Sabat enge.

Gharighariko va thi mwanavathavatha. Hu thuwe Ran 16:13-36.

⁷⁸ **Masited** [*English: mustard*] — (Mat 13:31-32; 17:20; Mak 4:31-32; Luk 13:19; 17:6). Masitedke iyake iye umbwa regha gharighari thi kabu e lenji uma na thi vakaiwoṅa kaiwae i vakatha ghanjṅa ghaminae thovuye, ṅgoreiye thi vakaiwoṅa njighi. Mbombouye mbe nanasiye moli, ko iyemaenḡe i mbuthu na umbwa laghiye moli. (Iyake ma ndiya thi ghawi weiye ghilethi.)

⁷⁹ **Matabwaya** [*English: crown*] — Matabwaya ghathuwathuwa theghewo. Mwatabwaya kinjo i thiniko i govambwara iye le ghamba mbaroko. Matabwaya regha va thi wogiya iye yavwatata gha nono weya lolo i wo rukurukuko modae o mwadiwo reghava, o ragagaithi iye ma i maramaru iye i kivwalanḡiya ghathighiyāḡi e gaithi.

⁸⁰ **Mbaro** [*English: law*] — Loi le Mbaro va thi rorinjoṅa Buk Boboma Teuye bukuniyenḡi mbambalima iviva e tinenji. Mbaro vara Loi va i wogiyawe Mosese gharighari ghanjithovuye kaiwae inanji gheko, na tembe ṅgorieyeva gharighari na Isirel va thi rikowe utuutuniye. Hu thuwe **Mosese**.

⁸¹ **Mbaro gharavavaghare** [*English: scribes, teachers of the law*] — Thiye va thi vavaghareṅa Loi le mbaro. Thi vavaghareṅa bigibigi va thi rorinjoṅa Mosese le buk mbambalima. Hu thuwe **Mbaro** na **Mosese**.

⁸² **Mbemba** [*English: fasting*] — Jiu gharighariniye ghanjithanavu regha iye thimbe ghanjṅa. Jiu gharighariniye e tinenji iyake thi

uturangaŷiya lenji thari na thi roitetengi ghanono. O iyake nuwathari ghanono o thi menawe Loi na thi wonjoŷa ghanjimberegha e le mbaro raberabe.

⁸³ **Mbwana Ngoreiye** [*English: amen*] — (Rom 1:25, 9:5; 1Kor 14:16; 2Kor 1:20; na vavana). Jiu e ghalinangiko, utuke thiŷake Mbwana Ngoreiye gharumwaru “mbe ngoreiyevara,” “iyake i emunjoru.” Mbaŷa lolo regha i nanŷo, gharighariko vavana thi varaenŷa, thiŷa, “Mbwana Ngoreiye.” Vat 3:14, Jisas iye thi uno thiŷa, “Mbwana Ngoreiye”, kaiwae iye emunjoru.

⁸⁴ **Mwata laghiye moli** [*English: dragon*] — (Vat 12:3; 13:4; 16:13; 20:2). Mwata laghiye moli iye riuriu thetheghaniye le vurigheghe i laghiye moli. Ghathuwathuwa ngoreiye yengiyengi laghiye regha ko iyemaenŷe tembe thi unova idae mwata. Vatomwe e tine mwatake iyake thi vakaiwoŷa na i methi Seitan iye nyaoko wolaghiye ghanjigiya laghiye. Buk Boboma Teuye vavana thi utuŷa mwatake iyake utuutu-niye, methi utuniye i menawe. Mwata laghiye ma mbaŷa regha thi yaku e yambaneke.

⁸⁵ **Melkisedek** [*English: Melchizedek*] — (Hib 5:6-10; 6:20; 7:1-17). Melkisedek ghaghareghare mbe seiwo enŷe ra ghareghare na i mena Buk Boboma e tine, Hibru na Righ 14:17-20. Rororike thiŷake iŷa Melkisedek iye va Loi le tututhi ravowovowoniye regha. Va mbaŷaniye, thighiyaŷi thi yalawe Eibraham nariye Lot na le boda na lenji bigibigiko wolaghiye. Eibraham na le ragagaithi thi wa vethi gaithi wenŷi na thi kivwalaŷi. I vamorunŷiya Lot na lenji

bigibigiko wolaghiye. Mban̄a Eibraham va i njogha na e kamwathi mborowae, Melkisedek i lavolevole. Melkisedek i giya bred na waen weya Eibraham na i nan̄go weya Loi mbe gharewe. Eibraham va i vakatha bigibigiko i biginjoghako wabwiyaworo na i giya wabwira Melkisedekwe. Theghathegha ighanagha muyai i tabona Jiu gharighariniye ghanjithanavu regha na thi giya wabwira i mena lenji uloulo na lenji kaiwo modanji.

Isirel lenji ravowovowoko wolaghiye thi tuthiya Livai e ghauu tine. Ko iyemaenge Melkisedek ghamban̄a e tine, Livai ma i viri. Eibraham nariye Aisake, ne Livai rumbuye, ma tembe iye i viriva. Iya kaiwae mban̄a Eibraham va i giya wabwira Melkisedekwe, va ngoreiye ravowovowoko wolaghiye Livai ghauu e tine thi giyawe, kaiwae mban̄a muyai, mban̄a ne thi viri, thiye ne Eibraham orumburumbuye (Hib 7:9-10).

⁸⁶ **Mer** [*English: myrrh*] — (Mat 2:11; Mak 15:23; Jon 19:39; Vat 18:13). Mer iye bigi regha modae i laghiye. Butiye i thovuye. Thi vakatha e umbwa regha thiye. Jiu va thi vakaiwon̄a ngoreiye merisin kaiwae i vakatha lolo i ghen̄a seiwo ma i ghamino viri laghiye. Tembe thi vakaiwon̄ava beku kaiwae.

⁸⁷ **Meri** [*English: Mary*] — Meri lemoyo tome-thi inan̄ji Buk Boboma Togha e tine.

1. Meri Jisas tinae.
2. Meri tinan Magadala. Jisas va i vakatha na nyao raraithari theghepiri thi ran̄giwe,

na i tabona gharaghambu eunda (Mat 27:55-56; Mak 16:9; Luk 8:2; Jon 20:1-2; 11-18, na righthorū vavana).

3. Meri tinan Betani, Mata ghaghae moli na Lasarus iye lounji. Va i yaku Jisas e gheghe na i vandene le vavaghare (Luk 10:38-42; Jon 11:1-5; 12:1-7).
4. Meri Jemes na Josep tinanji. Merike iyake mbwata mboromboro weiyē Meri Kilopas levo (Mat 27:56; Mak 15:40; 16:1; Luk 24:10).
5. Meri Jon Mak tinae. Merike iyake e le ngolo ina Jerusalem, iya Jisas gharaghambu va thi mevathavathawe (Vak 12:12).

⁸⁸ **Mesaiya** [*English: Messiah*] — Hu thuwe **Krais**.

⁸⁹ **Mevathavatha Ngoloniye** [*English: tabernacle, tent of meeting*] — Va i vivako, mbanja Jiu gharighariniye mbe thi longalonga vuruvuru vwatawata e tine, Loi i dage weya Mosese na i vakatha ngolo tomethi. Loi va i dage na i vakatha weiyē kwama thovuyē moli na thetheghan njimwae. Valikaiwae le rakanjona i maya na tembe ngoreiyeva le vatavatad i maya. Gharighari thi bigi mbanja thi longalonga. Amba thi vatavatadiva.

Dagerawe gha Bogis thi thinirawe e tine, Woluwolu Boboma Moli e tine. Varivarī Loi va i rorinjona le Mbaro theyaworo ina e tine, weiyangiya bigibigi vavana. Hu thuwe **Dagerawe gha Bogis**.

Va i vivako Jiu gharighariniye va thi kururu weya Loi Mevathavatha Ngoloniye e tine, na thi vowowe. Thi vakatha ghaghad

Solomon va i vatadi Ngolo Boboma Jerusalem e tine. Hu thuwe Mevathavatha Ngoloniye ngalingaliyae page ###.

Mosese [*English: Moses*] — Mosese va Isirel lenji randeviva laghiye moli. Mbananiye Isirel gharighariniye va rakakaiwobwaga Ijpt e tine, Loi i tuthi Moses na i viva wengi na thi rangiwe na thi njogha thelauko kaero va i giyako wengi. Loi va i lavolevole Mosese e numowo kamwathiniye. Ee, Mosese va i thuwe ndighema i ra e umbwaumbwa ndamwandamwa, ko iyemaenge mava i nda. Mosese i ghareghare Loi va ina gheko. Amba Loi i dagewe na ina ne i vanjunjogha le gharighari e lenji vanautumako.

Loi va i vakaiwoja Mosese na i vakatha vakatha ghamba rotale. Mbanja regha Ijpt lenji ragagaithi thi vagevagegenjiya Jiu gharighariniye, thi mena Njighi Sosoro. Loi va i vakatha ndewendewe i rowo laghiye na i unjogha mbwa, mbala mbwa i ndeghathi ngoreiye baba vanja na vanja na e lughawoghawo thelau i mwa. Gharighariko thi lonja ghathara e lughawoghawoko. Mbanja gharighariko wolaghiye thi vuthavao e valivanja, Ijpt lenji ragagaithi thi vutha na thi mando na tembene thi vakathava ngoreiye. Ko iyemaenge mbwako va i njogha e ghambae na i vagumongi na thi munumare.

Mosese iye Loi va i giya le mbarowe Isirel gharighariniye kaiwanji. Mbanja va thi lawa Njighi Sosoro na e ghereiye, thi longao ghaghadi thi mena ouko idae Sainai.

Mosese ghamberegha i voro Sainai na i yaku gheko na i nanjo weya Loi. Loi va i dage weya Mosese na i utugiya le mbarowe. Loi va i rorinjona mbaroko theyaworo laghiye moli e vari variwo; mbanja ubotu e ghereiye Mosese i du na i diviyaviya variko thiyako kaiwae i gharegaithi laghiye mbanja i thuweya gharighariko thi kururu weya loi kwankwan. Mbanja amba Loi i dagewe na i vakatha vari togha, na Loi va i rorinjona mbaroko theyaworoko. Theghathegha lemoyo variwoko inanzi Dagerawe gha Bogis iya ina Mevathavatha Ngoloniye e tine.

Mbananiye va i njama Ou Sainai e ghereiye, Mosese i rorinjona mbaroko wolaghiye. Mbaroko thiyako inanzi Buk Boboma Teuye ghanjibuk iviva mbambalima e tinenji. Gharighari tembe thi unova idanzi “Mosese le bukingi.” Idaidanzi Righenda, Rangji, Livai, Lenji Ghanaghanagha, na Mbaro. Hu thuwe **Mbaro.**

⁹⁰ **Naaman** [*English: Naaman*] — (Luk 4:27). Naaman va i yaku vanautuma regha idae Siriya. Iye ragagaithi lenji randeviva na iye ma Jiu gharighariniyeke regha. Othembe iye ida laghiye, i ghatana lepele. Mbanja va i lonje Loi ghalinae gharautu Ilaisa utuniye, i mena na i nango i vamorur kaiwae lepele e tine. Ilaisa va i dagewe na i wa Walaghita Joridan na ve thithu ghamberegha mbanjapiri. Naaman va i ghambu ghalinae na lepele iko moli.

⁹¹ **Nad** [*English: nard*] — (Mak 14:3; Jon 12:3). Mbanja regha ela eunda i thinimena bunama

regha idae nad na i varuvo Jisas gheghewe. Thi vakatha nad e umbwa regha thiye idae spaikenad.

⁹² **Ngile** [*English: pearl*] — (Mat 7:6; 13:45-46; 1Tim 2:9; Vat 17:4; 18:12, 16; 21:21). Ngile iye bigi regha modae laghiye moli. Iye ghayamoyamo i thovuye. I ndalandala na i kaleva. Gharighari thi vakaiwoŋa na thi vakatha numonji ghae na tembe thi vakathava ghavatha gharighari kaiwanji.

⁹³ **Ngolo Boboma** [*English: Temple*] — Jiu gharighariniye lenji Ngolo Boboma ina Jerusalem, va ghamba laghiye moli ina Isirel. Solomon va i vatadi Ngolo Boboma iviva na bigibigi boboma va inanji Mevathavatha Ngoloniye, thi bigirawenŋiwe. Mbanako iyako na i ghaoko, Ngolo Boboma mbe iye enge vara gharighari valikaiwae thi vowo weya Loi. Iya kaiwae Jiu gharighariniye mbe thi wawawe Jerusalem thaga laghiye kaiwanji na mbowo thi wava thi vowo weya Loi. Hu thuwe **Solomon**.

Muyai Isirel ghatighiyangi thi kivwala Jerusalem. Thi mukuwo Ngoloko Boboma na thi mbaniranŋiya Jiu gharighariniye lemoyo thi wa Babilon. Mbanja thi vatomwenŋiya Jiu na thi njogha Jerusalem, thi vatadiva Ngolo Boboma. Theghathegha lemoyo e ghereiye Kin Herod iye i laghiye i vatad Ngolo Boboma togha na Ngolo Boboma teuye ghathithi. Ngoloko Boboma iyako va ina Jerusalem mbanja Jisas i viri.

Ngolo Boboma ngalingaliyae ina page ###. Ghayayao va laghiye moli na gharighariko

wolaghiye valikaiwae thi ruwe, mambe Jiu gharighariniye enge. Va gheko Jisas i vagevagege rangiyangiya thetheghan gharakunekune. E tine va ghayayao regha mbe Jiu ghimoghimoru enge thi ruwe. E tine moli va ghayayao regha. Gheko mbe ravowovowo enge thi ruwe. E tineko va ghamba vowo na gaeba laghiye moli thavwi kaiwae. E ghayayaoko tine moli iyako e tine va Ngolo Boboma vara weiyе woluwolu theghewo, Woluwolu Boboma na Woluwolu Boboma Moli. Bigibigi vavana boboma va thi vakaiwoᅇa thi kururuwe Loi va inanji Woluwolu Boboma e tine. Dagerawe gha Bogis va ina Woluwolu Boboma Moli, na Loi manjamanjalawae i mbilewe. Mbe Ravowovowo laghilaghiye lenji randeviva enge valikaiwae i ruwe, na i ruwe mbe mbaᅇa regha enge theghathegha regha na regha. Kwama i molao i ganatena Woluwolu Boboma Moli. Mbaᅇa Jisas i mare, kwamako i mathethewa yavoro na ve wo bode (Mat 27:51; Mak 15:38; Luk 23.45). Iyake i vatomwe Loi va i vugha kamwathi gharighari valikaiwae thi ru e marae, thonᅇo thi lonweweghathi Jisas Krai.

⁹⁴ **Ngolo Kururu** [*English: synagogue, house of worship*] — Ngolo kururu iye Jiu gharighariniye lenji ghamba mevathavatha, mbe Sabat e tine vara. Ngolo kururu regha ina ghamba regha na regha Isirel e tine. Ngoloko kururu e tinenji va thi vaona Buk Boboma na thi vavaghareᅇa Loi le mbaro. Gharighariko va thi

nanjo weya Loi gheko na thi kururuwe. Mbanja vavana thi vakatha kot e tinenji. Va i vivako, utuke iyake gharumwaru ma inja ngolo kaiwae, ko iyemaenge inja gharighari thi mevathavatha gheko kaiwanji.

⁹⁵ **Ninive** [*English: Nineveh*] — (Mat 12:41; Luk 11:30, 32). Ninive va ghamba regha idae, iya Loi va i variye Jona na ve vavagharena toto wenji. Loi le toto va iye ne i mukuwo Ninive kaiwae thi vakavakatha vakatha raraithari. Mbanja thi lonje Jona le vavaghare wenji, thi randa na thi uturanyiya lenji thari na thi roitetengi. Iyake kaiwae Loi i numoteningi na ma i mukuwongi. Hu thuwe **Jona**.

⁹⁶ **Njighi Sosoro** [*English: Red Sea*] — Njighike iyake ina Isirel na Ijpt e ghanjilughawoghawo. Hu thuwe Rom Ghaghambambaro ghamap. Hu thuwe **Mosese**.

⁹⁷ **Nowa** [*English: Noah*] — (Mat 24:37-38; Luk 3:36; 17:26-27; Hib 11:7; 1Pit 3:20; 2Pit 2:5). Nowa va i yaku e yambaneke va i vivako. Nowa utuniye ina Buk Boboma Teuye buk iviva idae Righenda, Vangothiye 6 ghaghadi 9. Nowa ghambanja gharighariko va thi vakatha vakatha raraithari lemoyo. Iyake kaiwae, Loi inja ne i variye ngonungo na i mukuwo gharighariko na bigibigiko wolaghiye inanzi e yambaneke. Ko iyemaenge Nowa va lolo thovuye; i ghambugha Loi. Iya kaiwae Loi i dagewe Nowa na i vatadi wanga laghiye moli, na i dage ngononga ne i vakatha na inja. I dagewe Nowa ne weiyanyiya levo na le nganga thegheto na lenji ovo thi tha e wangako. Tembe ngoreiyeva ne i vangudowe

ghimoru na wevo thetheghanke wolaghiye tometi na make wolaghiye tometi. Ne i vanjudowe thetheghan ghimoru na wevo thenjighepiri iya. Nowa va i vakatha wagiya we ngoreiye Loi va i dagewe. Thi tha e wanga na e ghereiye, Loi i variye uye, uyewelaghi laghiye moli, na ngonungo. Mbwako i thotho na i kiwwalangiya ouou vwatavwatanji. Gharighariko wolaghiye e yambeneke thiya munja na thi mare, mbe Nowa na le bodaboda enge Loi i vamorungi.

Theghathegha regha e ghereiye na iko, mbwako i dinja na thelauko i mwa. Nowa na le bodaboda thi rangi e wangako. Amba Nowa i vakatha vowo weya Loi na i tarawenja kaiwae va i vamorungi. Loi va i dagerawe ma mbanja reghava ne i vakatha ngonungo ngoreiye iyako. Amba bwawo i yomara e buruburuko. Loi va inja bwawo iye le dagerawe ghanono na ma mbanja reghava ne i mukuwo yambeneke laghiye.

⁹⁸ **Nyao thovuye** [*English: angel*] — Nyao thovuthovuye Loi le toto gharawo thiye. Thi yaku e ghamwae. Totoke gharawo thiyake, nyaongi, ma gharigharungi. Mane gharighari thi thuwengi, ghaghadingi ne thi govwambwara ghanjimberegha.

Loi i variyengi le nyao thovuthovuye ne thi kaiwo kaiwae. Thiye ghanji kaiwo thi njimbukikingiya Loi le gharighari (Vak 12:6-11; 27:23; Hib 1:14). Mbanja vavana Loi i variyengi na vethi utu utu i tometi weya lolo regha.

Nyao thovuthovuye ghanji giya laghiye idae

Maikal (Jiud 9). Nyao thovuye laghiye regha idae Geibriyel (Luk 1:19,26).

⁹⁹ **Nyao Boboma** [*English: Holy Spirit*] — Mbaṅa ra vaona Buk Boboma ra vaidi Nyao Boboma iye Loi na othembe iye mberegha. La Loi Jisas Kraiss Ramae, na i mena weya Jisas Kraiss, Loi Nariye. Thiye thi variye Nyao Boboma na i yaku weiyangiya thavala thi lonweghathi Jisas Kraiss na le kaiwo i worangiya emunjoru wenji, i viva wenji, na i vakathangi valikaiwanji thi vakatha budakaiya Loi i warariṅa. Kaiwae iye nyao, ma valikaiwae gharighari thi thuwe, othembe ina ralonwelonweghathike wolaghiye wenji. Iya kaiwae Loi iye thegheto, ma theghewo, na thiye theghetoke mboromborongi. Ramae iye Loi, Nariye iye Loi, na Nyao Boboma iye Loi. Ko iyemaenge thiye ma Loi thegheto thi tometi, thiye mbe Loi reghangi vara. Kaiwae Buk Boboma i worangiya wagiya mbe Loi regha enge iye Loi emunjoru. Hu thuwe **Loi Nariye**.

¹⁰⁰ **Nyao raithari** [*English: evil spirit*] — Nyao rarithari thiye Seitan le rakakaiwongi. Mbaṅa vavana thi vakowana gharighari na thi vakatha na ma thi ghambugha Loi. Iyemaenge thi ghambu Seitan. Mbaṅa vavana thi ru lolo regha e tine na thi vambaroṅa. Iyake mbe i emunjoruvara thonjo loloko i vakatha Seitan le kaiwo na gathanavu na bigibigi rarithari.

¹⁰¹ **Olivi** [*English: olive*] — (Rom 11:17, 24; Jem 3:12; Vat 11:4). Olivi iye umbwa regha i rau na une thovuye. Olivi ṅgalingaliyae ina page ###-### e lughawoghawo. Olivi uneune thi

uno olivi, Jiu gharighariniye thi vakaiwonangi na thi vakatha bunama gaga kaiwae, na bunama umbaliye ndamwandamwa kaiwae, na bigibigi lemoyo kaiwanji. Olivi iye bigi laghiye moli Jiu lenji yakuyaku kaiwae. Ou regha ina Jerusalem ghadidiye, na idae Olivi ghanji Ou kaiwae olivi umbwaumwba lemoyo thi mbuthuwe.

¹⁰² **Omega** [*English: omega*] — (Vak 1:8; 21:6; 22:13). Hu thuwe **Alepa**.

¹⁰³ **Oniks** [*English: onyx*] — (Vat 4:3; 21:11, 18-19). Oniks iye vari thovuye laghiye, na ma lemoyo inanjiwe. Hu thuwe **Vari thovuthovuye na modanji laghiye**.

¹⁰⁴ **Pailat** [*English: Pilate*] — Pailat va Rom lenji gawana Judiya e tine mbanja Jisas i vavagharewe. Iye i vatomwe wenjiya Jiu gharighariniye lenji randeviva mbanja nuwanjiya amalaghiniye inja na thi rokros Jisas.

¹⁰⁵ **Paradais** [*English: Paradise*] — (Luk 23:43; 2Kor 12:4; Vat 2:7). Utuke iyake gharumwaru e vaŋa Grik “uma thovuye moli.” Mbanja vavana thi uno utuke iyake mbanja thi utuŋa ghembako thovuye iyako Iden e tine, iyannganiye Loi i worawenjiya Adam na Ive e yambaneke me righeko. Buk Boboma Togha e tine, paradais gharumwaru buruburu, ghembako thovuye iye ralonwelonweghathi weya Jisas Kraisi thi ru mare e ghereiye.

¹⁰⁶ **Parisi** [*English: Pharisee*] — Parisi va wabwi laghiye moli regha i tomethi Jiu gharighariniye e tinenji Jisas va ghambanja e tine. Va thi wabwi na regha weinjiyanjiya mbaro gharavavagharenji. Parisi va thi

ghareghare mbaroke wolaghiye Loi va i giyakewe Mosese, na thi vavagharena gharighari mbala thi ghambuvakathangi. Tembe thi vavaghareva thanavu na mbaro lemoyo iya thi vatabo weiye Mosese le Mbaro. Thiye thi nemo kaiwae thi lonweghathi lenji thovuye i kivalangiya gharighariko wolaghiye lenji thovuye. Mbanja vavana thi varevare ngonangiva gharighari thi thovuye othembe lenji rerenuwana raraithari. Parisi thi thighiyawana Jisas na thi vona ghae. Hu thuwe **Sadusi**.

¹⁰⁷ **Pentikos** [*English: Pentecost*] — Hu thuwe **Pentekos gha Thaga, Thaga** e tine.

¹⁰⁸ **Pero** [*English: Pharaoh*] — (Vak 7:10,13,21; Rom 9:17; Hib 11:24). Pero va Ijpt lenji kin regha na regha idae.

¹⁰⁹ **Ravamoru** [*English: Savior*] — Jisas thi uno idae Ravamoru kaiwae i vugha kamwathi na gharighari valikaiwae ma thi vaidi lenji thari ghalithiwe. Kaiwae lenji thariko kaiwae gharighari ghanjilithi mare na thi meghaghathi weya Loi. Mbanja Jisas va i mare, i wo lithike iyake othembe iye ghamberegha ma i vakathamun thari. Va i mare iyemaenge thari gharavakatha ma i mare. Iya kaiwae Loi i numoteningiya thavala thi lonweghathi Jisas Kraisi; i wovarumwarumwaruangi Jisas kaiwae. Jisas e le mare tine tembe i vamorungiya gharighari Seitan le vurigheghe e tine.

¹¹⁰ **Ravavaghare** [*English: Rabbai, Raboni, teacher*] — Jiu gharighariniye thi dage wengiye amaamala thi thimba na idanji i laghiye, thinja

“Ravavaghare.” Va thi vakatha iyake na i vatomwe thi yavatata wanangi. Vana Hibru va thina “Rabai” or “Raboni.”

¹¹¹ **Ravovowo** [*English: priest*] — Ravovowo va amaamala ghimoghimoru thi tuthi na thi vowo weya Loi Isirel gharighariniye kaiwanji. Thi vakatha vowo Ngolo Boboma e tine Jerusalem. Ravovowo thi tuthi Eron le bodaboda e tine, iya kaiwae thiye Livai orumburumbuyengi. Hu thuwe Eron na Livai.

Ravovowo laghilaghiye “high priests” lenji randeviva “Chief Priest” iye i laghiye moli i kiwwalangiya ravovowoko wolaghiye. Mbe iye enge Loi i vatomwe na i ru Woluwolu Boboma Moli ina Ngolo Boboma e tine moli. Gheko va i vowo weya Loi iye le thari na tembe ngoreiyeva gharighari lenji thari.

Ravovowo laghilaghiye lenji randeviva na thiye va ravovowo laghilaghiye lenji randeviva, thi uno Ravovowo laghilaghiye lenji randeviva. Tembe thi unova iyake gharighari vavana idanji i laghiye thi mena ravovowo ghanjiuu kaiwanji.

¹¹² **Rebeka** [*English: Rebecca*] — (Rom 9:10-13). Rebeka va Eibraham nariye Aisake levo. Iye va i ghambi gamwaruworuwo Iso na Jeikob. Hu thuwe **Eibraham, Iso** na **Jeikob**.

¹¹³ **Reihab** [*English: Rahab*] — (Hib 11:31; Jem 2:25). Va i vivako Isirel gharighariniye thi vivatha na thi ru vanautumako iya Loi va i dageraweko wenji. Mbananiye thi variye ghimoghimoru vavana thi ru thuwole vanautumako na thi kelakela mbala thi ghareghare

ngorongga ne thi kivwalangi. Yathima wevoniye idae Reihab va i thalavungi na thi kubaro e le ngolo tine. Va i vakatha iyake kaiwae i lonweghathikai Loi na i ghareghare Loi le renuwana Isirel gharighariniye thi kivwala vanautumako iyako. Muyai Isirel gharighariniye va thi mena na thi kivwalangi vanautumako iyako. Va thi tagavamarengiya gharighariko wolaghiye e ghembako tine mbe Reihab enge. Iye na le bodaboda ma thi tagavamarengi kaiwae le thalavu wengiya Loi le gharighari. Reihab iye i mboromboro weiye lolo regha Mat 1:5 i utuna iye Jisas rumbuye regha.

114 Reitiyel [*English: Rachel*] — (Mat 2:18). Reitiyel va Jeikob levo eunda. Jeikob va i gharethovu laghiye moli. Iye Josep na Benjamin tinanji. Mat 2:18 e tine, Reitiyel idae i methi otinatinae inanji Jiu gharighariniye e tine. Hu thuwe **Jeikob**.

115 Rom [*English: Rome*] — Rom iye ghemba laghiye moli ina vanautuma regha idae Itali. Mbanja Jisas va ina e yambaneke, Rom gharighariniye thi kivwalangiya yambaneke le valivanga lemoyo. Tembe ngoreiyeva thi kivwala Isirel. Isirel gharighariniye va thi botewoyathungi na thongo valikaiwanji thi vakatha thi wareri Isirel. Rom le randeviva laghiye moli idae Sisa. Iye va kin iye idae i laghiye moli yambaneke laghiye e tine.

116 Sabat [*English: Sabbath*] — Sabat iye towo ghambanja. Buk Boboma Teuye ghabuk idae Righenda, va thi rori Loi i kaiwo mbanja mbanawona na i vakatha yambaneke, amba

m̄baṅa m̄baṅapiriniye i towo kaiwae le kaiwoko iko. Loi va iṅa gharigari valikaiwae thi kaiwo m̄baṅa m̄baṅawona, na m̄baṅapiriniye e tine thi towo na thi kururu weya amalaghiniye.

Jiu gharighariniye e lenji mbaro lemoyo Sabat kaiwae. Thiṅa gharighari ma valikaiwae thi ndekaiwomun m̄baṅake iyake, na thonḡo thi kaiwo thi gharegaithi wanangi. Iyake kaiwae thi gharegaithi m̄baṅa Jisas i vamoru ghambweghambwera regha Sabat e tine, na tembe ṅgoreiyeva m̄baṅa Jisas gharaghambu thi vugha wit uneune na thi ghan Sabat e tine. Va thiṅa thiye thi kaiwo.

117 Sainai [*English: Sinai*] — Sainai iye ou iya Mosese va ve vorowe na i lavolevole Loi gheko na Loi i giya mbaro theyaworomawe. Hu thuwe Rom Ghaghambambaro ghamap. Hu thuwe **Mosese**.

118 Saiyon [*English: Zion*] — (Mat 13:33; 16:12; 1Kor 5:6-8; Gal 5:9; na vavana). Saiyon iye bobokulu regha ghemba Jerusalem ina e vwatanji. M̄baṅa vavana Saiyon i methi Jerusalem laghiye, na m̄baṅa vavana i methi buruburu, Loi le ghamba yaku (Hib 12:22; Vat 14:1).

119 Salpa [*English: sulfur*] — (Luk 17:29; Vat 9:17-18; 14:10; 19:20; 20:10; 21:8). Salpa iye vari regha na tembe ṅgoreiyeva vugha iya i ra weiye ndighe une i mbile laghiye na munduwae butiye i vurigheghe na i nda mbothinji. Va thi vakaiwoṅa na thi vakatha “gunpowder.” Ida regha “brimstone.”

¹²⁰ **Sam** [*English: Psalms*] — Sam iye buk regha ina Buk Boboma Teuye. Wothu tarawa weya Loi inanji e tine. Kiŋ Deivid va i rori wothuke thiyake lemoyo moli.

¹²¹ **Sameriya** [*English: Samaria*] — Sameriya le valivanġa iye provins laghiye regha. Hu thuwe Jiu Thivathivaniye Jisas E Ghambaŋa Tine ghamap. Ina Judiya na Galili e ghanji lughawoghawo. Jisas ghambaŋa e tine, Sameriya gharighariniye ma Jiu moli kaiwae va i vivako rakakaiwoko thi mena vanautuma vavanako thi mbaniruwonġi na Jiu gharighariniyeke va inanjiko gheko thi ghe weinjiaŋġi na thi kururu wenġiya lenji loŋġi. Jiu inanji Judiya thi botewoyathunġiya Sameriya. Hu thuwe **Judiya**.

¹²² **Samson** [*English: Samson*] — (Hib 11:32). Samson iye va randeviva regha Jiu wenġia mbaŋa molao. Iye va lolo vurigheghe regha (mbunima na madibe) iye Loi va i wogiyawe.

¹²³ **Samuwel** [*English: Samuel*] — (Vak 3:24; 13:20; Hib 11:32). Samuwel va Loi ghalinae gharautu laghiye regha. Iye va i varuvu Deivid Isirel le kiŋ. Iye gharighariko lenji randeviva laghiye.

¹²⁴ **Sanhidren** [*English: Sanhedrin*] — Hu thuwe **Jiu lenji kot laghiye**.

¹²⁵ **Sapaya** [*English: sapphire*] — (Vat 4:3; 21:11, 18-19). Sapaya iye vari thovuye laghiye, na ma lemoyo inanjiwe. Hu thuwe **Vari thovuthovuye na modanji laghiye**.

¹²⁶ **Seitan** [*English: Satan*] — Seitan iye nyao raraithari ghanjigiya na iye Loi ghathighiya. I kwaniyaronġiya gharighari na i mando thi

vakatha thari. Iye i vanuwoviri valanangi gharighariko thiye thi lonweghathi weya Jisas Kraiss, lenji thariko wolaghiye va thi vakathangi, mbala thi renuwanja Loi mava i numoteningi. Seitan idae regha Devil na yambaneke ghagiya. Hu thuwe **Bilisabul**.

¹²⁷ **Sepituwajinit** [*English: Septuagint*] — Hibu gharighariniye lenji buk, iye Buk Boboma Teuye, va thi rori e vanja Hibu. Amba muyai Isirel gharighariniyeke va thi mbanirangi Isirel e to gaiti kaiwae, vethi yaku e vanautuma lemoyo. Orumburumbunji lemoyo thi vanja Grik, ma thi ghareghare vanja Hibu. Mbanako iyako vanja Grik iye ghalighalina laghiye moli. Iyake kaiwae, gharighari thi vaghaghile Hibu lenji Buk Boboma Teuye na vanja Grik. Bukike iyake idae Sepituwajinit. Mbanja vavana Buk Boboma Togha ghararorori thi vakaiwanja utuutuke thi mena Sepituwajinit. Iyake kaiwae lenji utuutuke ma mboromboro moli wenjiya utuutu thi mena Hibu lenji Buk Boboma Teuye.

¹²⁸ **Sera** [*English: Serah*] — (Rom 4:19; 9:9; Hib 11:11; 1Pit 3:6). Sera iye Eibraham levo. Othembe va i kwame theghathegha laghiye, i vaidiya Aisake mbanja vama i yalaghisari. Hu thuwe **Eibraham**.

¹²⁹ **Sinamon** [*English: cinnamon*] — (Vat 18.13). Sinamon iye bigi butiye thovuye thi vakatha e umbwa regha njimwae. Butiye seiwo i vurigheghe, va modae laghiye moli. Va thi basi weiye bunama mbala bunama butiye i thovuye. Bunamake iyake thi vakaiwanja na

thi varuvuya gharighari. Mban̄a vavana thi vakaiwoŋa mban̄a thi beku kaka.

¹³⁰ **Sip** [*English: sheep*] — Gharighari thi njimbukikiya sip yambaneke e le valivanga vavana. Ko iyemaen̄ge gharighari lenji sip ghanjimbukiki mban̄aviye i tometi weya Jiu gharighariniye va thi njimbukiki Buk Boboma e ghambaŋa tine. Gharighariko e lenji sip thi njimbukiki sip ighanagha moli. Amalako i njimbukikiya sip idae sip gharanjimbunjimbu. Mban̄a vavana sip gharanjimbujimbu i njimbukikiya amalaghiniye e le sip, na mban̄a vavana ne i kaiwo weya amala e le sip. Sip ma mban̄a wolaghiye inanzi e ghamba, ko iyamaen̄ge sip gharanjimbujimbu ne i viva wen̄gi na thi wa weya ghamba ghan̄ga. Gharanjimunjimbu i yaku weyan̄giya sip na i ghareghare sip regha na regha. Gharanjimbunjimbu ne i vivath lenji ghamba ghena weiye gana i meghiliŋa na i mban̄iruwoŋgi gougou. Gheko mane thi vaidiya thari. Gharanjimbunjimbu va i ghena e lenji ghamba ghena ghagana ghaeko na thava rakaivi i ru na i kaivi sip. Jiu gharighariniye mban̄aviye thi vakaiwoŋa sip lenji vovo weya Loi.

Buk Boboma e tine, mban̄aviye sip thiye ngoreiye Loi le gharighari ngalingaliyanji. Buk Boboma Togha e tine Jisas mbanga vavana thi uno iye “Le gharighari gharanjimbunjimbu” na thiye thi lonweghathi Jisas thi uno “lenji sip.” Hu thuwe **Sip Nariye**.

¹³¹ **Sisa** [*English: Caesar*] — Sisa va idae thi giya wen̄giya Rom lenji kin̄. Rom va i kivwalan̄giya vanautuma lemoyo. Amba Sisa i

tabona lenji kinj. Rom lenji kinj regha na regha thi giya idakewe.

¹³² **Sodoma** [*English: Sodom*] — (Mat 10:15; 11:23-24; Luk 17:29; Vat 11:8; na vavana). Sodoma iye ghemba regha Lot na le bodaboda thi yakuwe. Iye Gomora ghadidiye. Sodoma na Gomora gharighariniye vambe thi vakatha vakatha raraithari lemoyo. Iyake kaiwae, Loi va i mukuwongi ghembako thiyako e ndighe. Hu thuwe **Lot**.

¹³³ **Solomon** [*English: Solomon*] — (Mat 1:6-7; 6:29; 12:42; Luk 11:31; 12:27; Vak 7:47). Solomon va Deivid nariye regha. Iye va Isirel gharighariniye lenji kinj laghiye. Va mbanja regha, ghinilolo e tine Loi i menawe na i vaito thebebe nuwaiya i giyawe. Solomon va i nanjo thimba kaiwae mbala ne i mbaronja wagi yawengiya le gharighari. Solomon i tabona kinj iye le thimba i laghiye moli. Loi tembe i giyava gogomwau laghiye moliwe. Solomon iye va i vatad Ngolo Boboma iviva, iyake Mevathavatha Ngoloniye ghathithi, iya Jiu gharighariniye va thi kururu Loi we. Ngolo Boboma Solomon le vatavatad weiye vari, vari thovuye, na bigibigi lemoyo modanji laghiye, na i thovuye moli.

¹³⁴ **Takis gharamban** [*English: tax collectors*] — Jisas ghambanja e tine, takis gharamban thi kaiwo Rom kaiwae. Thiye va Jiu gharighariniye ko iyemaenge thi thalavu Rom na thi vakatha gharighari thi vamodo takis Rom ghanjiraga-gaithingi kaiwanji. Rom va thi kivwalangiya Jiu gharighariniye na thi mbaronjani e vurigheghe.

Iya kaiwae gharighari va thi botewoyathungi. Na bigi reghava, takis gharamban mbanjaviye thi mban mani Rom nuwaiya na e vwataeva, na thi vareghare ghanjimberegha kaiwanji.

¹³⁵ **Thaga** [*English: festivals, feasts*] — Jiu va thi vakathangi thaga theghathegha regha na regha e tine, thi renuwanakikiya Loi va ghare wenji. Thaga thagalima thi utuna Buk Boboma Togha e tine. Hu thuwenji e raberabeke:

1. **Bred Ma Weiye Isit Gha Thaga** [*English: feast of the unleavened bread*] — (Mat 26:17; Mak 14:1, 12; Luk 22:1, 7; Vak 12:3; 20:6). Thagake iyake thi vakatha Thaga Valanani e ghereiye moli na i wo mbanapiri. Mbanake mbanapiri thiyake e tinenji Jiu gharighariniye thi ghan bred ma weiye isit. E kamwathike iyake tine thi renuwanakiki ngoronga Jiu thi vorangi Ijipt, na lenji vo va i maya moli na ma valikaiwanji thi vakatha bred weiye isit na thi vwala amba muyai thi vo.
2. **Pentikos gha Thaga** [*English: feast of pentecost*] — (Vak 2:1; 20:16; 1Kor 16:8). “Pentikos” gharumwaru iyelima. Jiu gharighariniye thi vakatha thagake iyake mbanapiri Thaga Valanani va i rikowe ghereiye mbala thi vawarariņa wit ghauloulo manjala Mei e le ghambako. Va Pentikos iya Nyao Boboma iyava i nja wenjiya gharghari thiye thi lonweghathi Jisas Krai (Vak 2:1-4).
3. **Thaga Vabobomaniye** [*English: feast of dedication, feast of lights*] — (Jon 10:22).

E thagake iyake Jiu gharighariniye thi renuwanakikiya mbananiye Judas Makabiyas i vakatha Loi le Ngolo Boboma i thinava. Va i vakatha iyake mbanja e ghereiye Loi ghathighiyangi va thi ru ngoloko iyako na thi vambighiya Loi e marae. Jiu tembe thi unova thagake iyake, “Hanaka” o “Thaga Manjamanjalaniye.”

4. **Thaga Valañani** [*English: feast of the passover; Passover*] — (Mat 26:2,5, 18-19; na vavana). Thaga Valañani iye thaga laghiye moli wenjiya Jiu gharighariniye. Idake gharumwaru “valañani.” Thagake iyake e tine Jiu thi renuwanakikiya mbananiye va thi vorangi Ijpt e tine na thiye rakarakayathungi. Amba muyai thi vorangi, mbananiye Loi va i dage vurigheghe wenjiya Ijpt gharayakuyaku ne i variye le nyao thovuye na i unighi nariye viriviva e ngoloko regha na regha Ijpt e tine. Ko iyemaenge i dage wenjiya Jiu gharighariniye na thi vaunu sip nariye madibaewe e lenji ngoloko regha na regha ghathinimba e vwatae iya kaiwae mbanja nyao thovuye i thuwe madibe, ne i valañaniya ngoloko iyako na mane i unighi nariye ina gheko. Thongo ngoloko gharayakuyaku thi vakatha ngoreiye, nyao thovuye i valañaniya ngoloko iyako. Va mbananiye na i menamenake noroke, Thaga Valañani e tine, ngolo regha na regha e tine Jiu gharighariniye va thi vivatha sip nariye na thi ghaninga na regha (Luk 22:7-8).

5. **Yoꞓathowathowa gha Thaga** [*English: feast of tents*] — (Jon 7:2). Thagake iyake e tine thi tatarawawe kaiwae va thi uloulo-vao. Thi vatadi yoꞓathowathowa na thi yaku e tinenji wiki regha. E kamwathike iyake thi renuwanakiki orumburumbunji lenji yakuyaku yoꞓathowathowa mbaꞓa thi loꞓgaloꞓga theghathegha iyevari amba muyai thi ru valivaꞓgako iya Loi va i dageraweke weꞓgi.

¹³⁶ **Thari** [*English: sin*] — Mbaꞓa lolo regha i raka Loi le mbaro regha, iye thari. Thoꞓgo mbaro nasiye o laghiye gharighari e maranji, iye tembe thariva Loi e marae. (Rom 3:9-20; 6:23).

¹³⁷ **Thiye ma Jiu gharighariniye** [*English: gentile*] — Thiye gharigharike wolaghiye ma Jiu gharighariniye. Jiu gharighariniye thi nemo laghiye moli kaiwae thiye ghanjimberegha Loi le tututhi gharighariniye, na thi botewoyathu thiye ma Jiu gharighariniye.

¹³⁸ **Thina** [*English: clean*] — Jiu gharighariniye lenji renuwaꞓa e tine, thoꞓgo Jiu ma i thina, ma thi vatomwe na thi kururu weinji e Ngoꞓo Boboma tine o e lenji ngoꞓo kururu tine. Ne i mbighi thoꞓgo i ghan ghanꞓga vavana o othembe i vighathi bigibigi vavana. Ghanꞓgake thiyake na bigibigike thiyake Loi i dageten weꞓgi. Lolo regha i ghambwera ghambwera vavana, ngoꞓeiyeye lepele, o thoꞓgo i vighathi kaka, thiya thi mbighi. Tembe ngoꞓeiyeva, ela i ghatana voruvoru o i ghambi ne i mbighi. Thoꞓgo lolo regha i mbighi Loi e marae, wo i

wa weya ravowovowo na i vowo weya Loi amba muyai i thinava.

¹³⁹ **Topas** [English: *topaz*] — (Vat 4:3; 21:11, 18-19). Topas iye vari thovuye laghiye, na ma lemoyo inanjiwe. Hu thuwe **Vari thovuthovuye na modanji laghiye**.

¹⁴⁰ **Toto Thovuye** [English: *Good News*] — Loi le utu wenjiya gharigharike wolaghiye thi uno Toto Thovuye. Le utuke iyake: Loi va i variye Nariye, Jisas Krai, na i njama yambaneke na mbala i vamorunjiya gharighari na ma thi vaidiya lenji thari ghalithi, na i vakatha kamwathi na thi tabona Loi le ngamangama.

¹⁴¹ **Uturanjiya thari na roitetengi** [English: *repent*] — Mbanja lolo regha i ghareghare i vakatha thari, ko iyemaenge nuwaiya i ghambu Loi le renuwanja, ne i uturanjiya le thari na i roitetengi. Amba Loi i numoteningi le thari.

¹⁴² **Valanjani** [English: *Passover*] — Hu thuwe **Thaga Valanjani, Thagathaga** e tine.

¹⁴³ **Vari thovuthovuye na modanji laghiye** [English: *precious stones, jewels*] — Vatomwe 21 e tine, Jon va i utunja Ghemba Boboma iyava i thuwe ghavatomwe e tine. Ghembako ghagana ghambaghimbaghi thi vakatha weiye tomethi vari variyaworo na variwo. Thiye ghanjiyamoyamo i thovuye moli, thi ndalandala na lenji kala mbe tomethi. Variko variyaworo na variwo thiyake:

1. jasper [English: *jasper*] — vwivu o manjemanje
2. sapaya [English: *sapphire*] — ngoreiye buruburu (blu)

3. ageit [*English: agate*] — (thi uno ida NIV e tine, kalsidoni): tomethi kala, ngoreiye kakaleva na braun
4. emerold [*English: emerald*] — vwivu laghiye
5. oniks [*English: onyx*] — (thi uno ida NIV e tine, sadoniks): kala lemoyo
6. kaneliyan [*English: carnelian*] — sosoro laghiye
7. krisolait [*English: chrisolite*] — mbwaumbwau
8. beril [*English: beryl*] — vwivu
9. topas [*English: topaz*] — mbwaumbwau
10. kalsidoni [*English: chalcedony*] — kakaleva seiwo
11. jasinit [*English: jacinthe*] — vwivu o blu
12. ametis [*English: amethyst*] — sosoro na seiwo i bwadi

¹⁴⁴ **Vowo** [*English: sacrifice*] — Buk Boboma Teuye ghambaṅa e tine, Loi va i vatomwe wenḡiya le gharighari mbala thi vovowe. Vowo mbe tomethi. Vowo regha iya mbala Loi ne i numotena lolo regha le thari. Loloko i vakatha thariko iye valikaiwae Loi i botewo. Thari ghalithiwe i mare. Amba muyai Jisas le mena, Loi le gharighari ne thi womena thetheghan e Ngolo Boboma na thetheghaniko iyako ne i mare kaiwanji. Gharighariko ghanjimberegha ma thi tagavamare thetheghan. Va thi giya thetheghan wenḡiya ravowovowo na thi tagavamarenḡi gharighari kaiwanji. Thetheghanko thi vovoko va ngoreiye burumwaka ghimoru, sip o gout, thiye thovuthovuye vara. Mava thari ina wenḡi. Gharighariko mbanaviye thi vakatha

vowo vavana na thi vata agowe kaiwae ghare wenji.

¹⁴⁵ **Waen une** [*English: Grape*] — Waen une thi thovuye. Waen une ngalingaliyae ina page ###-### e lughawoghawo. Waen une thi mbuthu e umbwa, ma iye umbwa moli. Iye ngoreiye thiyo. Thi vakaiwoṅa une na thi vakatha waen thi mun. Jiu gharighariniye va thi kabu waen thiyo lemoyo e lenji uma na thi njimbukiki wagiya mbala thi rau na une ighanagha. Waen ghauma ngalingaliya in page ###-### e lughawoghawo.

Toto Thovuye Loi Ghalinae
Portions of the Holy Bible in the Sudest language of
Papua New Guinea
Buk Baibel long tok ples Sudest long Niugini

copyright © 2014 Wycliffe Bible Translators, Inc.

Language: Sudest

Dialect: Tagula

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-23

PDF generated using Haiola and XeLaTeX on 22 Feb 2024 from source files dated 31 Aug 2023

7a63d67b-b890-5db0-8880-b6fd64f3b62f